



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

74. Ludouici Goes obitus.

urn:nbn:de:hbz:466:1-11445

& mihi comitem. Goæ mense Aprili anno 1549. ita rebus nostris prouisione sapientissima ordinatis, nauigauit Malacam Xauerius, post in Iaponiam ex qua illum India non recuperavit nisi quarto, & tricesimo post mense: at cñim Gomez vehementer dolens quod solus omnia non esset, & prælati sibi consortis impatiens, externi præsertim, vtque Paulum vocabat, simplicis; eius sibi lñsim potestatem & munus arrogare, omnique tandem cum priuata, tum publica administratione illum excludere. Quæ illi origo calamitosi exitus demum fuit, abundè superius enarrati; sed Paulo modestiæ humilis luculenter edendæ, tametq; difficilis, & perplexa, verum præclara occasio. Dignitatis gradum nullius patrocinio tueri voluit, neminem appellauit; item intendit nemini de auætoritatis suæ iure; quod etsi iure aliquando, raro tamen adeò cautè fit, vt inde non plus offensionis in publicum existat, quam honoris in potestatis suæ assertorem. Recepit se igitur in seminarium Iuuenum priuatus, & domum pauperum hospitale, nihiloque deinceps regendi officia attigit, quam si eorum iniquus usurpator, legitimè illa obtineret. Annos egit in India octodecim Paulus, tam perseveranti infraeti operis æquabilitate, vt nouis quotidiè illud aggredi videretur, & quamvis diu & sèpùs ægrotans, sed eo usque nunquam morbo cessit, vt agendo valentum quemlibet labore saltem non æquaret. Quo tandem potius quam ætate oppressus Goæ viuendi finem fecit ad Ianuarij 21. anno 1560. eodem tranquilli adhærentisque Deo animi affectu quo semper viguerat.

Sacerdotes duos eiusdem nominis, eiusdemq; ardoris infidelium conuersio habuit eodem tempore occupatos, Ludouicum Goes in India, & Ludouicum Goes in Molucis. Goæ diem supremum is obiit anno 1567. hunc in Amboino, tertio post anno fuisse superstitem datae illinc ab eo testantur literæ, nec est deinceps quodd apud scriptores, confusis temporibus & gestis unus coagmentetur ex duobus, cū post narratam eius morem reperiatur diu inter viuos: priori illi quem habuit India suam in Christo fidem debent, cuncta fere ad Raciolum oppidæ, quæ Lusitanorum arx est in ditione Salsetana. Illic paucis ab Goa leucis hoc etiam ultimo vitæ anno Christianis diuina ministrabat, & cum arcis Præfecto Iacobo Fernandez, viro cultus diuini egregio vindice ad subuertendos Pagodes progrediebatur, templo subiectis ignibus mutabat in rudera, nihilque non agebat ad reuellendam spiritus idololatriam, ex omni ditione Lusitana. In iis quanto triumpharet gaudio ad amicos scripsit, cum sparsa cerneret circumquaque superstitionis laceræ membra emortua, & simulachrorum passim ruinis impositam, calcantemque dæmones Christi crucem. Habuit quidem laudis huius Socios è nostris alios; illud eius peculiare, & proprium quod cœli Regina morientem conspectu suo dignata est. Rem scribit unus ex iis qui aderant in hæc verba. [Deus ad se hoc anno, inquit, P. Ludouicum Goes euocauit, Iacobi Apostoli Sacro die. Huic statio erat ad ædem Deiparæ, leucis pro-

74.
Ludouici
Goes obitus.

pè ab Goa quatuor illic morbo prostratus, in hoc Collegium defertur, vbi paucis diebus conualuit; sed annum prouectus ad sexagesimum, & diurna pridem exhaustus ægrotatione, nunquam in vires pristinas rediit; quin & in peius ab se quotidie defluens, vbi defectionem persensit imminere, postremo sacrorum præsidio muniri voluit. Paulo quam spiritum efflaret, adstabant lateri e Patribus nostris & fratribus, ipse vultu ut erat ab iis auerso rogatus est ne grauaretur ad illos tantil per conuertere; respondit sinerent modo se hoc situ iacere, sibi enim Virginem Dei matrem illinc adspectabilem adesse. Nec erat ramen vlla loco de qua intelligi posset eius effigies: tam impenso illam studio coluerat viuens, vt credibile sit, voluisse solari moriturum] sic ille: & quidem haud temerè; suprænum enim, & quasi palmare vitæ sue opus, Reginæ Virginum dedicarat Ludouicus, quo peracto Goam æger venit mortem obiturus. Conatus omnes pridem intenderat ad Deæ magoræ flagitiosos cultus abolendos, inter quos narrauimus, sumptu publici pudoris ali solitas meretrices quæ gratuita corpora poscenti cuiilibet in Deæ turpissimæ prostituerent honorem. Euicit tandem Ludouicus ut simulachrum, & templum, & quantum erat infamis illius prostibuli deleretur, primusque manum operi admouens simulachrum confregit & dispulueravit; templum vero quid esset amplitudine, & magnificientia sumptuosum, situmque loco, si quod usquam in Europa, & Asia pér amceno, atque conspicuo; meliori consilio seruandum putauit, impetravitque Goa fortibus literis ab iis qui præerant, vt ritè purgatum ab omni turpititudinis veteris graueolentia, & umbra, Conceptæ Virginis integratæ sacraretur, sapienter præagus illibatum Deiparæ splendorum coruscaturum inde magnificentius, vnde meretrix Dea' propudio honoribus ab insano populo culta fuerat flagitosius.

75.
Francisci
Lopez mors.

Francisco Lopez martyrij titulus primas debet, vbi cumque ipsum locauero; sed sequor ordinem temporum, quem suus cuique obitus assignauit. Lopez gente Lusitanus, annorum unde quadraginta, viginti ex iis egerat in Societate, duodecim vero in Indiis; vir doctrina quidem mediocri, sed multo vberius virtutis efficientia, missionum Orientalium magno usui par: in ijs concionando fere versatus est, messe ingenti animorum; eaque vi pœnitentiæ, & doloris sensum, sceleratorum peccatoribus infigendi, vt rato diceret quin auditorium in apertos fletus undique rumperetur. Cocini degentem offenderunt naues e Lusitania quatuor Octobri medio anno 1568. quibus Ludouicus Ataides nouus Indiae Prorex vehebatur: quinta iis adiuncta mox Goam perrexit Apostolorum Simonis, & Iuda festo die. Nau cum imperio præerat Ludouicus Mello vehebatque centum quinquaginta ex Europa, deemptis paucis nobiles Lusitanos: de nostris vero P. Franciscum Lopez, cum tribus fratribus Antonio Dionysio, Ioanne Caruallio, Manuele Lobo & adolescente, qui Societatem initurus petebat Goam, vbi cum aliis expectabatur à Provinciali: cursum læti tenebant postridiè haud procul à littore; & Ciam-